



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 2. An aliquando licet uti æquivocatione, vel restrictione mentali?

urn:nbn:de:hbz:466:1-40993

Q. 2. *An aliquando licet uti æquivocatione,
vel restrictione mentali?*

Not. Æquivocatio h̄ic est vox, seu propositio varios habens sensus; quam proferens prævidet ab audiente accipientiam in alio sensu, quām ipse intelligit. Duplex est; alia determinabilis exteriūs, & latè dicta, cuius scilicet sensus verus à proferente intellectus potest per se cognosci ex circumstantiis, aut indiciis exterioribus; alia non determinabilis, & strictè dicta, cuius sensus à loquente intellectus non potest ullatenus deprehendi.

Restrictio mentalis est propositio, cuius verba exteriūs prolata falso sensum, & contrarium menti loquentis exprimunt, si præcise secundūm se spectentur; sed conjuncta cum iis, quæ mente retinentur, faciunt sensum verum. Duplex est; una purè mentalis, & strictè dicta, cuius sensus à loquente intellectus non potest ex circumstantiis, aut indiciis exterioribus deprehendi; ut si quærenti, ait videris Petrum respondeas: *non vidisse subintelligendo in foro*, cum tamen videris dominus. Nam ex nullis circumstantiis colligi potest, te interrogari de visione in foro, aut de illa respondere. Altera non purè mentalis, cùm verba exteriūs prolata adjunctas habent circumstantias externas, quibus ea, quæ mente retinentur, per se facile cognosci possunt: ita ut circumstantiae ex usu apud prudentes recepto consignificant, & verum sensum restrictionis

Etionis sufficienter indicent; inter quas re-
censentur status Confessarii, Legati, Secre-
tarii, obligatio secreti, &c.

Resp. I. Nunquam licet uti æquivocatione
non determinabili exterius, nec restrictione
purè mentali. *Quia* 1. sunt per se deceptivæ
proximi, & contra naturalem institutionem,
ac finem locutionis, & signorum ordinato-
rum ad exprimendos conceptus mentis.
Ideoque sunt per se malæ, & inordinatæ. 2.
Earum usus est perniciosus Reip. & societati
humanæ; nam si licitus esset, tolleretur ser-
monum certitudo, nemo enim unquam cer-
tus esset de fide, & mente alterius, omnibus
que dolis pateret aditus: & sic everteretur au-
toritas testimonii humani, & fides humana,
ideoque & commercium inter homines cor-
rueret. 3. Sunt mendacium, & si juretur, fieri
perjurium. Nam locutio totaliter sumpta est
contra mentem, cum neque ex se, neque ex
circumstantiis externis habeat vim significan-
di totam propositionem internam, aut partem
illam in mente subintellectam; sed id solum
significet, quod verba in suo sensu obvio præ
se ferunt, quod quidem est contra mentem.
Enimverò, ut ait de Lugo, veritas proposicio-
nis vocalis consistit in ejusdem propositionis
secundum significationem externam vocibus
impositam, conformitate cum mente loquen-
tis. Deinde voces datae sunt homini à natura
ipsa, ut suos conceptus patefaciat, & ut iis non
utatur

utatur nisi juxta significationem semel impo-
sitam. Verba (inquit S. August. Enchir. 22.)
Propterea sunt instituta, non per quæ se invicem
homines fallant; sed per quæ in alterius quisque
notitiam cogitationes suas perferat. Verbis igi-
sur uti ad fallaciam, non ad quod i^tstituta sunt,
peccatum est. 4. Innoc. XI. damnavit has pro-
pos. Sicut jacent. 26. Si quis vel solus, vel
coram aliis, sive interrogatus, sive propria sponte,
sive recreationis causâ, sive quocumque alio fine
juret, se non fecisse aliquid, quod revera fecit, in-
telligendo intra se aliquid aliud, quod non fecit,
vel aliani viam ab ea, in qua fecit, vel quodvis
aliud additum verum, revera non mentitur, nec
est perjurus. 27. Causa justi utendi his amphibo-
logiis est, quoties id necessarium, aut utile est ad sa-
lutem corporis, honorem, res familiares tuendas,
vel ad quemlibet alium virtutis actum, ita ut veri-
tatis occultatio censeatur tunc expediens, & stu-
diosa.

Resp. II. Certum est non licere usi illa æ-
quocatione etiam determinabili, neque re-
strictione etiam non pure mentali. I. Ex in-
tentione decipiendi proximum, seu ei falsam
opinionem ingenerandi; quia hoc per se ma-
lum est: nam (ut ait Layman) sicut veritas
est mentis perfectio, ita falsitas omnis est de-
honestatio, & dedecus ejusdem: alterius au-
tem mentem ad Dei similitudinem conditam
dedecorare velle intrinsecè malum est. Verbis
uti ad fallaciam, non ad quod instituta sunt, pec-
catum

catum est, ait S. August. sup. 2. Quoties interrogans habet jus inquirendi, & sciendi veritatem, ut Superior, Judex, &c. Nam huic juri respondet in interrogato obligatio clarè, & sine ambiguitate veritatem detegendi & juxta interrogantis mentem, respondendi. Azor dicens esse communem omnium sententiam. §. Quando non adest gravis, & justa causa occultandi veritatem: quia bonum, & Lex societatis humanæ exigit, ut clarè, & juxta interrogantis mentem respondeamus, quamvis non habeat jus strictum rem illam cognoscendi saltem dum non adest gravis, & justa causa eam occultandi. Quæ Lex fundatur in ipsa natura hominis, in quantum est animal sociale. Quia homo est animal sociale, naturaliter unus homo debet alteri id, sine quo societas humana servari non posset. Non autem possent homines ad invicem convivere, nisi sibi invicem credarent tanquam sibi invicem veritatem manifestantibus. Et ideo virtus veritatis aliquo modo attendit rationem debiti. ait S. Thom. 2.2.q.109.a.3 ad 1.

Hinc querenti, an liceat uti æquivocatione, vel restrictione mentali dici debet id non liceare, ut constat ex propos. damnata cit. non solum quia æquivocatio, & restrictio simpliciter dictæ intelliguntur ordinariè de æquivocatione non determinabili exterius, & de restrictione pure mentali; sed etiam quia interrogatio est indefinita, ideoque universalis. At juxta communem sententiam, non licet in casibus

Tom. II,

D

supra

supra dictis uti restrictione etiam non pure mentali, nec equivocatione etiam determinabili.

Itaque potest esse solum controversia in casu, ubi adest obligatio, vel alia gravis causa, occultandi veritatem ei, qui non habet jus exigendi eis cognitionem, nec suppetit alia via eam occultandi, & intenditur solum occultatio veritatis, non autem deceptio proximi, quæ tantum permittitur.

Multi earum usum cum tali limitatione defendunt post S. Antonin. 2. p. tit. 10. cap. 1. §. 1. & S. Raymund. lib. 1. *Sumtit. de Mendac.* Quia, inquit, per eas non affirmatur falsum, sed verum, quamvis obscurius expressum, ita ut tamen veritas ex circumstantiis extrinsecis deprehendi possit, & sic non sunt per se deceptivæ, nam verba ut conjuncta signis, vel circumstantiis humano modo cognoscibilius, sunt significativa totius propositionis mentalis. Neque repugnant societati seu commercio humano, cum potius ad illud sint necessariæ: nam alioqui nulla erit via licite servandi vitam proximi, & secretum graviter obligans, & eludendi importunitatem hominum curiosè inquirentium de iis, quæ ad illos non spectant, nec eos scire expedit, & quæ sine gravi damno injusto revelari nequeunt. Addunt adversarios suos easdem quoad rem admittere, sed mutato nomine appellare vel fictionem, vel figuram, vel præcisionem, vel usur.

DE VIRTUTIBUS MORALIBUS. § 1

usurpationem sensus mystici, præcisivi, formalis; aut ita illas definire, ut videantur intelligere solum æquivocationem non determinabilem, & restrictionem purè mentalem, vel usurpatam cum intentione decipiendi proximum.

Sed alii cujusvis æquivocationis, & restrictionis usum absolute, & indiscriminatum damnant. Quia 1, earum usus fuit incognitus Patribus & præsertim S. August. tanquam utilis ad vitandum mendacium, aut necessarius ad occultandam in necessitate veritatem. Nam S. Doctor lib. contra Mendac. cap. 18. proponit casum hominis gravi morbo periclitantis, cuius jam vires ferre non possint, si ei mortuus unicus, & charissimus filius nuntietur, quique à te sciente verè mortuum esse querit, an vivat. Unum tantum ex his tribus. *Mortuus est, vivit, nescio,* Respondere potes inquit S. August. nam quidquid aliud dixeris, vel si tacueris nihil aliud credet æger, quam filium mortuum esse. Sic casum S. Doctor resolvit: ex illis tribus duo sunt falsa nempe, *Vivit,* & *nescio*, nec dici possunt nisi mentiendo. Unde id unum salva veritate, cui, (non obstante quolibet incommodo inde per accidens secuturo,) adhærere debes, respondere potes, *Mortuus est.* 2. Quia dicunt eas esse mendacia, & per se deceptivas proximi. 3. Quia, inquiunt, non est necessitas iis utendi; nam *C*edere sub secreto commissa interrogeris, re-

D 2

spon-

spondere debes interrogationem illam illicitam esse, nec tibi licere quidquam ad eam respondere. Reus verò nonlegitimè interrogatus respondere debet se nihil habere, quod dicat. Addunt non esse absurdum, quod in certis casibus nulla restet via licita occultandi veritatem, sicut nec se defendendi contra injustum aggressorem.

Not. Clerus Gallicanus an 1700. hanc propos. *Patriarchæ, & Prophetæ, ipse Christus, nedium viri, & Justi, & Sancti & equivocationibus, sive amphibologiis, & restrictionibus mentilibus usi sunt. damnavit ut scandalosam, & impiam.*



TRA-